


Election thu a houlimna

- Pa Chinsuanthang
LCC, Secretary
Lamka Dist. H/Q Church (ZPCS)

Hun leh kumte hing beizel in Election ding thu hing ging panpan ta, Pasian hattuom kemtute/Belampute, Pastor te Upa te in zaizaw bang a kijang mailou dingin Pasian min in ikingen uhi. Mihing hihna dawl ah support/deisah anei ding mah ahi. Hinanleh example Pastor khat in candidate khat ava thum sah a nidang khat chia midang khat ading ava thumsah kia ah aphantmawh leh Candidate tamna mun ah a dang khat a va thumsah kia leuleu hi. Pasian in hei pen asang diei, Constituency khat ah 2/3 akai thei sih chih lah thei chiet hai a, Pasian

kung a thum pen ahoi hi thumpi dihma ahi, hinanleh thumna pen chiemmuina bangin zang sih vai. Pasian thangpaina itangkha ding hi pilvang nih.

Tualeh mipi van tang zong pilvang ni Thankhit bang a khat vei san khatvei kang chihte bawl lou ding ahi. St. John 14:6 ah thutah na gin um na in Nam leh gam atung ding hi. Zaizaw bangin/Thankhit bang in um sih vai thudih en chienzel vai. Khristian te in mimal genna ahisih a, hinanleh i dinmun toh akituoh leh kingaihsun thani.



I hina uh thei chiet va ui.

Khristian Tangkou simtu zousie te Mangpa Jesu min in chibai hoitah ka hing buh hi.

Tulai Vannuoi a sil tung te a banban a i et koikoi le sil chizat huoite, a tung ding a kilawm nai loute, kithana, shina thupitah tahte, helna(rebellion) nehguh, tahguh, thangatna chi thu tuomtuom te World New (Khawvel Tanchin) ten apuon zing uh a zong mu ding a tam hi. Tu leh tu a Ismael hah leh suonte tenna leh tam na gam te bang i et chieng in leh lamkai kum somli (40years) bang pote det va uh i chi lai in ama uh te akigin lou lai un mipiten a not doh uh a thei thei ding in Egypt (Igupta) vaihawm pa Mubarak tualou Libya vaihawm mi thupi leh gum vawt Colnel Gaddafi te bang zong mipi hing hel(revolt) in kitha, kimat, sisan, naisan suohna thupi tahtah te ahing suo ta hi. Tuaban ah zong vaihawmna a hing ki heng hi.

Tua ahilai in ei Khristian te Jesu Khrist Mang leh Hundampa bete lah a zong, bang zieh a ei Khristian hi ka hi chi ngaituona lungsim seng lou tamtah i um ta uhi. Mipil ten Vision 20-20 chi bang Look East Policy chite bang ahi sih leh khawvel lum deudeu bang chia pan lah ding chite khawvel gam tamtah vaihawm thunei ten lungsim tamtah leh sum tamtah a sen lai un ei Khristian ten zong agenda-Mangpa Jesu Khrist a pat mopuohna laipi sem doh ding a thupieh a um ihi uh chi i thei chien na uai ma.

Mangpa Jesun nou kung a lungmuanna um ta hen achi hi. Tam a chi zou in a khutte leh a nahpuoh a ensah ta a, nuazuitten Mangpa khu a mu tah in kipahnan a dim ta ua, khumin Jesun a kung ua “Na tung uah lungmuonna umta hen. Pa in keima ei sawl tah mabang a noute ka hing sawl na hi uhi achia khumin a tung uah hu a ha khum a, Hagau siengthou nga ta un John 20:19-22 a kigen bang in ei ten ihina uh theichiet va ui.

Tualeh nuazui lah a khat Thoma kichi kopsuh pen Jesu hing pei laitahin a lah ua ana um sih a tuaziehin nuazui dang ten “kou hawn Mangpa ka mu uhi” ana chi uhi. Khumin Thoma in a kung uah “A khut siakil a akhetna ua ka khutme ka hen lut sih a, anahpuoh ka tham sih leh ginta vawt sih vang achi hi.

Tua zou hapta khat achin in a nuazuite innsung ah ana kikhawm ua tuanah Thoma zong ana um hi. Kot a kil uh ahia, hinanlezong Jesu a lah ua hing ding in “Na lah ua lungmuanna umta hen achia, khum in Thoma kung ah “Na khutme tan ah hing koi inlen ka khut en in, na khutme tanah hing koi in len ka khut en in, na khut hing zan inlen ka nahpuoh hing tham in gingta lou in um sin len ging ta’n a chi hi. Thoma in a dawng a ka Mangpa leh ka Pasian a chi hi. Khumin Jesun a kung ah “Nei mu zieh a nei gintat ahei? Mulou a keima ei gingatate hampaha ma u e izaw a chi hi. Tuazieh in Khrist Mang leh Hundam a pom tapou, ei te a bih in Hattuum umna a sathau nil ten i hina uh thei chiet va ui. Pawlpi khat a Pasian be a um Thoma bang a gintat na nei zou lou lelop ah mi dang peidan toh buoite kiveng va ui. Pasian in mopuohna ahing pieh chieng a i hina uh theichiet va ui.

Pasian pawlpi khat a peidan det neite i hinate uh kimang hi bawl bawllou ding ahi. Khawlai a thugen, Propoganda bawl chi pen Pasian pawlpi mite bawl dan ahisih, mi tamtah ten Pasian hing Jesu Khrist lal na a Pasian Lei leh Van siempa pawlpi ihi uh i Manghil chieng in i hina uh thei chiet ahahsa hi.

Tuazieh in koipou Mangpa Jesun a hing thugen Mt. 6:33 Tuaziehin Pasian gam leh a dihtatna sui masa un tuachin tam zousie ban ah sil dang zong a hing pieh belap ding hi. Tuazieh in zing chieng a na lungkhampi ding um na va. Nichin a gimthuoh khu nichin a ding in a hunta hi. “Mangpan a chi ma bang in lungsim geltha va ui.

Bang lungsim ka gel tha ding la chi um vai, Jesu leh a Hattuum kemtu leh nei tah Pasian in ahing guolzawl na bang a kemtu leh neitu ihi uh. Tami mun a pawlpi lungtan neilou ten maitam a siempi te lat sate atung na ding a tung leh tun lou in a buoi sih uh, ahin tuabang mite pen pawlpi leh gingtu mipite suthasie leh lungvaitah a um sah te ahi uh azieh ahi le ahina un a thei chet louzieh ahi.

Local khat pawlpi lungkhamna bawl bawl te a local sung uh en un Meithai taga, ahah lou leh liengvaite kingahna ahi thei sih mi ahing ki ningtel tahtah chiang un anua phaw ha ahi tuaziehin Pasian pawlpi, Jesu Khrist sepban sem ding i hina ua gingtuten Pasian a pat mopuohna Lai-siengthou a i mu bang un ihina un thei chiet va ui.

Mangpa’n loupina tang taken.

Thangsietna leh Numeite

-Pi Nemhoilun
Secretary, Tuibuang PWF

Adam leh Evi apat a mihingten ina tan uh khu thangsietna ahi. Tami thangsietna khu Old Testament hun-lai in zong muding tamtah a um hi. Mikhat in iloite ahiei, kidangkhat ahiei apatbawlsim leh zong thangsietna lungtang ang pot zelzel hi.

Adiehin tam thangsietna khu Numeite lah ah atam diehdieh hi. Sarah in asuohnu Hagar apasal tapa neina ding in a jawl a, a ut phet in Tapa ahinsah a, Tapa ahinsah zou in thangsietna lungtang lientah puoh in Hagar asuohnu atapa Israel toh anawh doh tahi. Tuonah Hagar te nuta genthei tah in sehnal gamgo lah a gilkiel dangtah in a um uhi. Numeite pen mikhat gentheitah a ihinsah zou leh akipah hilei akilawm hi. Rachael leh Leah te unau zong aki thangsiet tuo vevaw uhi.

Thangsietna khu numeite pienpi abang dieh tamawh hi. Ei tate sang a mi tate khat lai asiemzaw leh zong

i thangse thei a, lai thei deu te izah deu lezong ki thangse kon, amel hoi deu aki chei deu imu leh zong i thangsiet ziehin akichei dandan zong mupei sing chite bang i ki chi zel uhi. Thangsietna lungtang inei a, kideh zoulou ing hi chiengin i kam apat ang pawt-khie a, i lei khu meikuong bangin i zang uhi (Jacob 3:6) agentute a ding in ana sih a, hinanleh igennu ahiei, igenpa ahei a ding in ana mama hi. Na lungsim pichingsah inlen na naupan lungsim pai in, Jesu Khrist itna thupi ngaituo kawm in Setan nasep thangsietna apat na suohtatna ding in na lungnsim ngaituona thuhpen zang in Pasian hagau siengthou ngen in. Galati a Paul in agen bangin kiletsahna, ki-doudehna leh khat leh khat ki thangsiet chite tawpsan zaw va ui(5:26). Mangpa’n simtu zousie hing guolzawl taken.

neipen a koi kiphamaw hi. Tua ahileh a Hagau Siengthou in eite hinkhuo a adei bangin na asem thei ding hi. Hagau thawnpiehte tawh kisai in zong pawng zawna kizilsah ding hilou ding ahi. Azieh pen, thawnpieh (gift) ahi zousie Khrist thuneina nuoi a i kituhlut zawna zaza a Ama'n eite a kulna bangbang a hing pieh ding, ad-eina bang a eite tungtawn a a silbawltheina sulang a na asep ding hizaw ding hi. Tuaban ah, chiemtena thawnpiehte, sudamna thawnpiehte, sillamdangte leh hamtuom a thugen theinate

Laiseingthou a kigelsa mabang in Sawлтаhte'n khuttungtawi bang in na zang uhi. Laisiengthou kigel zaw a, hattuom a dinzaw nua in a sukip kul nawnlou ahiman in tua bang in kilang lawmlawm lou hi. Ahivang in, gamthah nasepna ah zong dawimangpa tawh vangletna kituna leh kiphuttuona mun ahi man in akilang dieh hi. Chiemtena sil thawnpiehte a lim in zong zui nuom mama ahiman in pilvan ding ahi (II Thes. 2:9-12). Pasion in akul banga ahing thop theina dingin ama khut hat-tah nuoi ah kitulut chiet vai.

ZPWF Column: TUNNULIMBELASILPIEHMUDAN(APRIL&MAY)			
1. Tuaitengphai PWF		9. Aina Local Mission	
Anntang	Kg. 5	board	Rs. 500
2. Pu Chinzapau		10. PWF Behiangiang	
Sabual	Rs. 500 l	Anntang	Kg. 46
3. Nu Chingneikim		asum	Rs. 40
Zoveng	Rs. 100	11. Lianneisang	
4. Upa Kamkhanpau		Nungshai	Rs. 100
P.Salem	Rs. 100	12. PWF Sabual	Rs. 540
5. PWF Bohlui		13. Nu Chiinkhanman	
Anntang	Kg. 15	Awnchinkapveng	Rs. 50
6. PWF M. Mualtam		14. Pa Thatchinmang	
Anntang	Kg. 6	& Family, Z.Colony	Rs. 50
7. PWF Teisajang		15. Pa Lunzanou	
asum	Rs. 53	& Family Z.Colony	Rs. 1000
8. Nu Lunzangai		16. Floria Hatnu	Rs. 15,000
Zoveng	Rs. 50	17. PWF P.Salem	Rs. 70

Thu Tuomtuom

• **Date 15-05-2011 1:30pm in N. Delhi YMCA Hall, Jaish-ing Road ah ZPCS hattuom a ding kheta hi.** Zou Synod Office Bearerte phasah bang in Moderator Rev. Lamsuanthang leh Secretary (Sr) Upa Tualkhanpau ten ava hong kheta uhi. Nidang in Zomi Christian Fellowship ei a te ngen lamkaina nuoi ah khawphawh lou in G.K. Samte Pastor a azah theina nuoi uah ana kikhawm uhi. I Synod Lam-kaiten Fellowship pen Hattuom achi thei tahtah sih hi, chi leh imi-isa Pastor ahi nonlou te zieh in i lungneu khat aneu deu abang hi.

Tami ni in Moderator in Mangpa nitah ann hawmna zong avanei uhi. Kopkhat zong dansieng thou a kitenna ahing neisah malam uhi. ZPCS Delhi LCC tetam anuoi a bang ahi uhi.

Chairman : Pu Lunminthang
Secretary : Tv. Khaibiaklian
Jt. Secy. : Thongkhanthang
Fin. Secy. : Thangminlian
Treasurer : S. Mary Niangliankim

Members:
Pu Thangkhai
Pu Chinliansiam
Pu Mangkholun
Pu Haupu Samte
Pu Hautungnungpau
Nh. Neiting
Nh. Manlianching
Nh. Chiinmuanhoi

Delhi ZPYF lamkaite tam a ney a bang ahi:

Leader : Goubiaklian
Asst. Leader : Kapsutlian
Secretary : Chingneu
Asst. Secy. : Hauminlun
Fin. Secy. : Lhingneiching
Treasurer : Chiinzavung

Mi 130 vel a kikhom thei ua, mi 85 vel Synod mi leh sa ngen ahi ua, adang teng ahing kipahpi a hing kikhawm ngen ahi uhi. Hattuom ding pan ahina uleh ziet leh vei a lungkieh theina chi tuomtuom um thei ahi zieh in i thumna uah thei chiet vai.

• **India gam sung milulip ki-simpina kizou:**
Kum 10 dan a kisimpina um zel pen um kia ta a India gam

pumpi ah mihing
1,210,193,422
apha zou hi.

• May issue thu
tuomtuoma **Bin-
laden** kitha thu
apat in athuoh
natpi **Taliban** hel-
pawl ten **Pakistan**
leh **U.S.A** te tung
a phuba lah teitei
ding achi dungzui
un, nichin phiel in
Suicide Bomber
leh bawlthei dan
tuomtuom in **Pak-
istan** gam sung ah
miathat that mai ta
uhi. **USA** tunga lah
phuba lazou sam-
lou ama uleh ama
uh aki that that ta-
mai uhi. Tuni date
27-05-2011 tan
in zong mi athat-
that ta mai uhi. Si-
etlam ama naw a
Khristian gingtute
tanpha ahing suh-
khah louna ding i
thumna uah thei
zing vai.

Nute Ni (Mother's Day)

-Rev. Thangboi Khuongshai

A masapen in adeithaw huoitah i Khristian
Tangkou uh simtu zousie Jesu Khrist min
in chibai!

Awle, Unaute tuniin 'Nute Ni' (Mother's
Day) kichi bang ahia, hoi a hing kipan e? Bang
zieh a lawikhatte'n aman lai a amanglou lawi
ki um e? chi tamtah dohna a um ziehin ka thei
dan tamlou kup ka ut hi.

Tami 'Nute Ni' kichi khu Laisiengthou sun-
gah a um sih a, nanleh Khristian tamtahte'n
ngai poimaw in thupitah leh anop thei pen
in zahdan tuomtuom in akizang zing a, tuni
chiengah Khristian tawndan (tradition) khat
bang in hattuom pawlpite tanphah azang
tampi ki um tham ta a, nanleh ei pawlpi (Zou
Synod) in vang kizang ngai nailou hi in ka thei
hi (Local level ah vang azang zong i na um
maithei uh). Ahing kizah pat dan tomkim en
va ui.

America gam ah numei naupang khat
amin Anna Jarvis kichi nu khu kum 1864 in
ana pieng a, unau numei ni maimai ahi ua,
ama pen a upa zaw ahi hi. Anna pen naupang
neunou ahi apat naupang hoi mama ahia, a

thei ahita hi (Ep.5:18). Hagau
Siengthou a dimna pen Khrist
theipina hinkhuo leh nasep a
vangletna neina ding ahi (Nas.
1:8). Laisiengthou sung a Hagau
a baptisna sui ding leh nga dinga
sawlma ahiei, thupieh ahiai,
Pentecost zaw in kimu lou hi.
Pentecost ma in Hagau a bap-
tisna pieh ding thuchiem tampi
kigen a tuate Pentecost ni in a
tangtung ahi (Matt. 3:11; Mk.
1:8; Lk. 3:16; Jn. 1:33; Nas. 1:5
cf. Nas. 2:1-4). Hagau a baptisna
pen khatvei a setden ding atan
ahi a, Hagau a dimna pen dim
tahtah poimaw ahi (Ep. 5:18;cf
Nas. 2:4;4:8,31;9:17;13:9). Sawl-
tah liente zong khatvei sang a
tamzaw Hagau in na dim zelzel
uhi.

4. Hattuom in Hagau Siengthou sil thawnpiehte ngatheita:
Hagau Siengthou sil thawnpiehte
tawh kisai Laisiengthou in 19 vel
agen hi. (Romte 12:6-8; I Kor.
12:7-11,28-28;Ep.4:11). Hagau
Siengthou thawnpiehte tawh
kisai theichet mama ding a hoi
bangza ahiai um hi. **Khatna ah**,
"Pasian in i kiphattuompi chietna
ding in, michin kung ah Hagau
"nasep kilahkhiehna hing pie
hi" (I Kor. 12:7) chi i thei ding

ahi. Tuami, Pasian in Hagau sil
thawnpiehte a Hattuom lamtou-
na ding a khat leh khat kiphat-
tuompi na ding in ga ahing pieh
ahi achina ahi. **Nina ah**, "Hagau
khat leh a kibang in tamte zousie
a sem hi. Ama" dei leh ngaituo
bangbang in michin kung ah sil
thawnpiehte a hawm hi (I Kor.
12:11) chi thei ding ahi. Tuapen,
Hagau sil thawnpiehte eite sui
hattu ahiai, kinzilsah hatthu
ahiai a tan ding hilou in, Hagau
Siengthou in kul leh poimaw
asah bangbang in amizahte kung
ah hawm ahi china ahi. Tulai in
"Hamtheilou" chi vel a kizilsah a
"Lei bang kisawisah a hai zialziel
um uhi". Laisiengthou ah tuabang
zilsahna kimu lou hi.

Thuzawna: Hagau Siengthou mi
hina nei, Pasian mama, bangkim
thei (Is. 40:13-14), bangkim
bawlthei (IKor. 2:11), munteng
a um thei (Late130:7), Pasian
a mithum lah a khat ahi (Matt.
28:19,20; II Kor. 13:14). Hagau
Siengthou tawh kisai akigen
chiang a Pasian ahina leh a thu-
neina theilou khop a eima thuthu
a bawlthei bang dan a gen sildih
hi vawtlou ding hi. Ama vanzah
phatuom leh manpha ihina ding
in i hinkhuo a Jesu Khrist thu-

gluina” zaw ni 50na zah ding ahiman in nipikal sagi kigawm ni 49 leh ni khat gawmkhawm ahiman in nipikal a nimasapen ma ahi china hi. Khristiante’n nipikal a nimasapen tulai a Sunday in Pasian biehin kikhopna inei uhi. Azieh ahi leh, tua ni khu, Mangpa Jesu Khrist shina apan a thawkia ni lah hi, Hagau Siengthou pieh ni lah ahi hi.

2. Hattuum in Hagau Siengthou tang (Nas. 2:1-3): Hattuum in Hagau Siengthou a tandan tawh kisai ngaituo tham leh zui tham a um hi. **Khatna ah**, gingtu masate’n kisahkolna kichientah na nei uhi. Lungsim munkhat a thumna nei in umkhawm uhi (Nas 1:14; 2:1). Lung a tup leh lunggul kibanga umna a poimaw mama hi. Tua ban ah, thuumna nei a, khelna thuphatawina, l kipumpiehna leh dei ngetna neikhawm uh hipouma ding hi. **Nina ah**, Hagau Siengthou hing tunga kihilna **thum** a nei thu ki mu hi. (a) **“Hui hattah nung banga ging”** ahi. Khumin Hagau Siengthou, a kimutheilou ahi vang a silbawltheina mama ahina gen thei ding hi. (b) **“Mei-kuong leite bang”** ahi. “Mei-kuong” in Pasianumpina (Pem

3:2), thukhenna (Matt. 3:12) halsiengthoua (mal. 3:2) gen thei ding hi. Khumin, Hattuum in gingloute kung a silbawlthei tah a theipina nasep asem ding gen ahiding hi. (c) **“Hamtuum te in a hamta uhi”** chi ahi. Khumin masawnzal a tangthupha phuon-zahna nasep in gam alah zel ding dan hing zilsah thei .

3. Hattuum in Hagau Siengthou nasep hi angate: Lai siengthou ah Pentecost ni a Hagau Siengthou a tun chieng a anasep dingte a tangtunna hing hil hi. **Khatna ah**, Piengthah zousie kung a Hagau Siengthou hingteng tahi (Jn. 14:17). **Nina ah**, Hagau Siengthou a baptisna piengthah zousie in nga tahi (Matt. 3:11; Mk. 1:8; Lk. 3:16; Jn. 1:33; Nas. 1:5). Hattuum a khente’n Hagau baptisna pen “guoljawlna nina” piengthah zaw a Hagau thopna bang in gen nanleh uh Lai siengthou in piengthah zousie Hagau a baptis zaw ahidan a gen zaw hi (I Kor. 12:13). **Thumna ah**, gingtu zousie Hagau Siengthou a chiemte ahita hi (I Kor. 1:22; Ef 1: 13; 4:30). Tua pen Jesu Khrist hing peikia a tahsa bukim i tan maten a ding ahi. **Lina ah**, Hagau Siengthou a dimna nga

pichin dungzuiin laisiemna lam ah zong ma hing sawntou jel ahi. Nanleh alaisiemna lamah apa in pan analahpi tamlou ziehin apa sangin anu angainatna alienzaw tham a, khuolgam leh mun tuom a hun sawttah pawtsan ding zong hahsa asa mama mai hi. Laisimna lamah ponthawtahin pan alatouzel a tuachiin ang pichin toh kituohin laisiemna ah degree zaw teitei tup in a it mama anu leh anautoh kikhen hahsa sa pumpum in ana graduate tahi.

Tuachia hing khanglienziel in pasal neithe i ding khopin piching ta nanleh anu sang a a it zawh ding dang khovel ah athei zou lou ziehin leh a it anu taisan a mun tuoma ahinkhuo azah ding pen lunggel a nei thei nawnlou ziehin a shitanpha a khoppi neilou ding in thutanna a bawlta hi.

Hunte hing peizel in kum 38 angphah in kum 1902 in apa’n a shisan ta a, tuamai hilou in apa shinua kum thum in a it mama anu in May 9, 1905 in a shisan kia tahi. Tuaziehin Anna Jarvis zong lungkham leh lungngai-

tahin ama tangin a suun mama mai a, bangma kihehnepna ding a theizou tasih hi. Tuachiin a it mama anutoh damkhawm a hinkhuo aman laite uh lungsim mitha a muzing kawm in mittui naptui toh hahsa genthei leh hase kawmkawm in lunggimtahin hinkhuo azang zing tahi.

Hun le nite beijel in kum le hate muolliem zing nanleh Anna in alungsim ah anu aitna mangngil theilou in aveizing a, tuachiin anu’n abeisan nua kum nina, May 1907 (second sunday) ni in alawi leh guolte chiel khawm in agam buppi a kumtenga ‘Nute Ni’ man ding adeidan a phuonng kheta hi. Tuami ni apatin mi khat leh ni lungsim ah chi hing tu toutou in hun sawtlou sungin Anna lungtup leh deidan nu tamtahte’n hing theisiemin pha angahpi ta ua, thamlou in pate leh naupangte tanpha in Anna Jarvis lunggel hing theisiemin hoi ahing sahpi ta ua, tuabanah alawi hoi mama sum kolvei mi hausa John Wanner kichipa’n zong sum leh pai apoimaw bang a panpi ding in ana thukimpi tahi.

Tuachiin a kumkia in anu’n

kum sawmni vengveng sunday school a sangsie nna anasepna Methodist hattuum a sunday school Superintendent pa kungah hattuum pawlpite'n tami hunbi a Nu theizingna a zatpi din adeidan ana theisah a, tu-achiin tuamipa'n analemsahpi toh dungzuiin tuami kum (1908) May 10, Second Sunday ni in 'Nute Ni' kichi khu akhatveina dingin naupang zali velte'n anute utoh ana zang panta uhi.

Tualeh, tuami zou a pat in Anna Jarvis in 'Nute Ni' toh kisai in campaign hing bawl tou zel in nute khu mi poimaw, silbawlthei leh thupitah ahidante uh tangkou in U.S. gam ah vaihawmtu-congressmen, Governor, Mayorste ban ah Newspaper leh Magazine Editorte leh adang dangte kung ah theisiem sahin tuachia ma hing sawntou zel in May 8, 1914 in President Woodrow Wilson vaihawmna nuoi ah U.S. Senate in zat zel dingin Danpi ah pomna (approved) ang bawlta ua, tuami apatin kumtengin May ha Nipini nina(second sunday) khu 'Nute Ni' chi in ahing zang denta uhi. Tuachimabangin kum tampei man louin khovel gam zousie chi phiel dingte'n tami ni khu 'Nute

ni' chiin hing kizang panta hi.

Tuaziehin, tami ni khu tuni-tanin kumtengin mi tamtahte;'n Nute pahtawina sangpen pie in thupitah leh anopthei pen in silpieh chi tuomtuom leh hoi tahtahte pie in, khenkhatte'n innkuon sung ah, akhente'n lawi leh guol toh, khenkhat kiate'n hattuum pawlpi tanphah ah vaiguonte siemin azang ua ahoi mama mai chi a ngaisutin aum hi. Aziehpén nute khu sisan a hing hingkhetu thamlou a ipienkhieh ua pata hing kem leh nawitui a hingvah a, gentheina chinteng toh hing enkol a ipichin dong a sil bangkim a hing thumoptu zong ahi uhi. Innsung a isang-sie masa leh poimawpente ahi uhi. Tuaziehin phat leh pahtawi tuoh mawngmawng zong ahi uhi. Koima pienna nute itlou leh ngainalou um dingin zong i ngaisut sih a, phat leh pahtawi utlou i um sih ding uh chi zong i gingta uhi. Mite zousie dingin hoiin pha zousih nan uleh tate dingin vang nute khelkhel chi ding khovel ah koima um tuon-lou ding hi. Tuaziehin 'Nute Ni' thupitah a zaha pahtawina sangpen pieh khu ahoi i chi thei uhi.

Khaile tuabangin gentam

Pentecost Ni Thuphuon

Thupi: Pentecost ni a Hagau Siengthou silpieh

Pulahna: Tuhun i khawvel uh gensiet thawh ahiei, ahishih leh kituollempi a bawlhoih zzwah ding hilou hi. Ahivang in tua bawlhoi zawna ding a silbawltheina leh vangphatna Pasian Hagau Siengthou apan a itan ding uh ahi. Pentecost ni a Hagau Siengthou tung pen vangphatna, tu in zong eite a ding in kiching hi. Pentecost nia anasep i theichet semsem leh ama kung a kipelut in vangphatna leh silbawltheina i nga ding ahi. Hagau Siengthou nasep poimaw penpen khu gingtute hinkhuo leh theipina nasep a Khrist pahtawi ahi (Jn. 16:14). Nasepte 2:1-4 in Hattuum hinkhuo a Hagau Siengthou nasep poimaw mama nga ah-ing theisah hi.

1. Hattuum a Hagau Siengthou tunni (Nspt. 2:1) "Pentecost" ki chi thumal Grik ham in "sawmngana" china ahi. Azieh ahileh, Pentecost Annkuongluina pen "Gamasate Annkuong luina" ni 50 na a kizang ahi (Siam. 23:15-22). Siempulai 23 a Judate nichiem tena a Annkuongluinate

Jesu Khrist nasep tawh kisai a lomkhenna ahi. "Peikan Annkuongluina" in belamnou, "Pasian Belamnou" khelna man pia a ashina ding hing lang hi. (Jn. 1:29; I Kor. 5:7). Tua bang zel in "Gamasate Annkuongluina" in shina apan a Khrist thawki-ana ding hing lang hi (I Kor. 15:20-23). Gamasate Annkuong luina ni 50na a Pentecost Annkuongluina in Hattuum kibawlkhiehn hing lang hi. Penstecost ni in Judate'n amau kung a Danthupieh lopna nei uh a, Khristiante'n khu Hattuum a Hagau Siengthou pieh i lawm uhi.

Gamasate Annkuongluina pen Peikaan Annkuonglui hita, khawl ni zaw nipi kal khat a ni masapen in kizang gige hi (Khawl ni pen ni sagina ahi). Jesu nipikal a ni masapen a thoukia in - "ana ihmusate lah a gamasa ana hi" chi "Gamasate Annkuon-

ding Mangpa'n aphal hi.

Unaute, tam leitung i khuolz-inna gam ah, imai a tang sangpipi kaltou ngai a um hi. Ataang ngiem-sah dingin Mangpa kung ah ingen sih dinga, tam tang sangtah katou zou dingin thahatna ngen zaw vai. Hamsat sahna i tuo chiengin, tua hamsatnate beisah dingin Mangpa kung ah thum sih vai, tua hamsatnate Mangpan ei ahing etchietna ahi chi phawh kawm in, tamte tung a guolzou dingin thuoh zawna ngen zaw vai.

Nuazuite in zong huipi huoisie tah atuo lai un, Mangpa aphawng ua, "Mangpa aw, kamantahai ding uh khawh salou nata ama?" achi hiei uhi, Mangpan amantahai dinguh dei hilou in, ama a muonna anei ding uh dei ahiman in, huipi tuipei kihawt adaisah hi, Mangpan nang zong na mantahai ding, nathuoh ding adeiman a hamsatna natuo a phal ahisih a, ama apata muonna na nei ding adeizaw zieh ahi hi.

Nuazuite zauthong leh chimawtah a Dil gallam a kai zouzou un, damtah a kitawldam ding bang a ngaituo maithei uhi. Ahin dawimat mikhat toh akituoh pai ua, tua mipa tung

ah hutdamna atung ngal hi. Tua mabangin nang leh kei zong, mangbatna tuipei i pal galkai chiengin, hamsatna leh buoin-ate bei mai ding hilou in, Setan galdou ding a muon tham hita nahi china ahi zaw daih hi. Galdouna pen awlsam mai hilou ding hi. Dawimatpa kung ah, na min bang ahiei a chi uleh, ka min nuoi(sang) ahi, tampi kahi uh achi hi. Setan Sepay anuoi a sim nang dou ding a hingpei ding ahiman un, Mangpa toh tawnkhawm zing in, Mangpan guolzawna hing pieh ding hi.

Mihingte thahatna toh Setan Sepoite nanzaw guol hilou hi, hinanleh Mangpa a dingin bang ma tham hilou hi. Unau Mangpa na nuasie leh, Setan Sepoi ten nang hing dou ding a, zoulou in naguol lel ding hi. Mangpa toh na umkhawm nah leh, guolzawna nanga hizing ding hi.

Tuachiin, i Mangpa Jesu toh umkhawm pou lei hamsatnate, kizou thei zelzel ding hi. Aw leh! simtu deitahte Mangpa toh zawhkhawm a hamsatnate zouthei ding in, i Mangpa Pasian in hing umpi in hing guolzawl taken, Amen.

zong ngailou khopa pahtoi tuoh nute i nei chiet uhi. Nanleh tua-bang a ani poimaw uleh pahtawi atan ni uh thupitaha nit hoi mama leh bawltham ching isah zing lai un, ahoilou na zong ana um zel bangin akilang hi. Bang-zsiehin? Tamni Ni mi tamtahte'n poimawsa a zat ahi a guolnop thupitah bawl ahizing lai in alangkhatat mi tamtahte ding ma in kana leh hitui luonna zong ana hithei veve zel hi. Aziehpennu-le-pa neilou (dam nonlou) ta tamtahte din hasietna leh lungngaina maimai asuoh leng hi. Khenkhat te'n silpieh chi tuomtuom hoi leh manpha tah-tah te toh akipahtawi lai un taga, genthei pieh ding leh pahtawi ding nei nawnloute bang ana umzel ahi man in hun peisate ngaisut a hitui, naptui dapnawt mai chiloungal kinepna dang umlou asuoh hi. Tulai ngelngel bang, khovel sietna asantah dungzuiin nu leh pa bei kitawm tham nawnlou asuoh a, tuabang mi lunggel theite din tami ni a hattuum vaiguonna telnuom mama hinapi adinmun uh kithei uh kitheisiema mite laha kilang ngamlou naupang leh khanglaite

zong i um tham uhi. Nu-le-pa toh dam nalaite dia ahun hingtun ding bang ngahla leh thalawp huoi mama ahilai in, kimkhatte din da leh lunglen huoi ban ah hasiet huoi asuoh hi.

Tuaziehin, hattuum khenkhatte'n ngaipoimaw a thupitaha abawl lai un, ei hattuum pawlpite'n vang ibawl ngai naisih ua, abawltheite zong idemtuom sih uh, ikipahpi veve hi. Ahin, tambang hunbi nei-'Nute Ni' 'Pate Ni' mang chite khu mang zel hoi abah zinglaiin manlou mai ahoina zong tampi um veve ahi chi zong phawh henlen hilei uthuoi kasa hi. Tuaziehma hiva kachi ei pawlpite'n zong ibawl ngailou leh Calendar a zong ituonsah mawngmawng lou uh ahin, hattuum pawlpi ten bawlsih nanleh, mimal leh innkuon sung a uleh nau kikai khawm a atuom a vaiguon siem a mang thei leh mang utte din vang asietna a um tuom sih hi. Aziehpennu-le-pa neilou (dam nonlou) ta tamtahte din hasietna leh lungngaina maimai asuoh leng hi. Khenkhat te'n silpieh chi tuomtuom hoi leh manpha tah-tah te toh akipahtawi lai un taga, genthei pieh ding leh pahtawi ding nei nawnloute bang ana umzel ahi man in hun peisate ngaisut a hitui, naptui dapnawt mai chiloungal kinepna dang umlou asuoh hi. Tulai ngelngel bang, khovel sietna asantah dungzuiin nu leh pa bei kitawm tham nawnlou asuoh a, tuabang mi lunggel theite din tami ni a hattuum vaiguonna telnuom mama hinapi adinmun uh kithei uh kitheisiema mite laha kilang ngamlou naupang leh khanglaite

Simtu zousie Mangp'an hing guoljawl taken!

Eiten zong bawl thei hai....

(Career Guide)

Posted By Pupu Zou On 07 May 2010.

Under Articles **Tags:** Articles

- S. Thangboi Zou, NEHU, Shillong

K hatvei lam deu in ka lawite khat in sms hing thot a, tua sms in kalung sim ah kingaituona tha khat hing guon hi: *“Common news in CCPur report: If a Mizo drives a car people say that there is a businessman in their family; if a Kuki(Thado) drives people say he is a chief; If a Paite drives people say there is a central service holder in their family; if a Hmar dives, they say one of them is in USA. Lastly, if a Zou drives a car, people say that there is an Indian army in the family..”* Va dih kim chet sih nanleh tami thumal in gen saupi nei in kathei hi. I profession(nasep) uh hunsawtpi apat itawndan(tradition) khat a ipeipi den uh hileh kilawm kasa hiel hi. A tribe wise percentage et in ei Chin-Kuki nam sung ah Zoute army nnasem kitam pen ding chi kana gintat sa ahi mawng hi.

Survey kibawl leh dih ding chi hangsantah in zong kagen ngam hi. Tuabang kaal ah, Siamsin nalam ngai poimawna nei tha ding in hatna leh chouna hizaw in kala a, tuajieh in tamnah them khat kikum lei chi ka lunggul hi.

Siamsinna khu tulai khanga di'a hiem poimawpen pen ahi ta hi. Siamsinna/Siamna um lou in mite nua phah dan hasah ta hi. Thupil tom in “Siam sinna khu khantouna chabi ahi” ana chi a, adih petma hi. Tualou ah zong “all round development (k h a n t o u n a p u m l u m)” zong akichi nalai hi. Sum le pai pen apoimaw a, hinna ding in ‘alou thei lou’ ahi nahi. Tuabanah, sum le pai pen lai siem vateh lou in zong sui thei a, muthei ahi. Hinanleh

sung uah, tui adim phielphiel ta a, a nuazuite azau ta mama uhi, hinanlezong, Jesun nuokiapi mailou in, malam anotpi zel hi. Dil gal langkhat lam kaiding pen bang poimawna um ahiei i chi chieng in, Galali gam a hunsawtpi Dawi in amat hutkhiet ding khat ana um khinkhien hi.

Tam Programme toh kisai a ngaituo dinga poimaw kasah mama a um hi, tam khuolzinna pen Jesu zauna mama hinalai hi! bang ding a, tuabang zatah a buoina tuoh uh ahi diei maw! Aman a thei khawllou adiei? Ahi sihleh bang dinga huipi leh tuipi kihawt phawh sip lou adiei? Bang dinga nuazuite buoi leh patau a akoi sese, bang phattuom naleh ahoina um adiei? Tam thu apat in zil ding tampi a um ka thei hi.

1. Khristiante'n hamsatna i tuo chieng un, i puosietna ding hilou in, Ginna lama ga tampi inei thei zel zawna ding uh ahi.

2. Bangkima i hoina ding ua Pasion in, hamsatnate zong vanzah a nanei zel ahi.

3. Bangkima i hoina ding ua Pasion in, bangkim ana chite, ahoi leh ahoilou, hasa leh anuom,

natna leh shina, demsietna leh pahtawina, ahoipen leh ahoilou pen tanpha ang suohsah zel ahi (huomsah hi)

4. Job in ajikung ah “Pasion apat in asie zong apha zong i tang sih diai maw” ana chi thei hi.

5. I siltuo hamsatnate gin-nalam ah Mangpan ahing et chietna leh, ama i theisiem na ding ahizaw hi. Tam etchietna ah, ichin zoulou khah ding azau huoi mama hi.

6. Jesu toh tengkhawm lei anuom hi, hamsatnate abei ding hilou in, hamsatnate kithuoh zou thei hi.

7. Gimna tampi thuoh in Pasion gam i lut ding uh chi khu nuazuite kihamuonna ahi a, eite a dingin zong ahi.

8. Beidong leh mangbatna ituo chiengin, mihing muon sang in MANGPA muon ahoizaw suhlatna ahi.

9. Mihing khenkhatten leitungah nei-le-gou muongin kingahna ding muon ding leitungah neima nan ulezong, eiten Mangpa muonga, Ama ma a ikingah theina ding un hamsatnate leh buoinate i tuoh in, ithuoh touzel

Hamsatnaapatguolzawna

- Upa P. Doukholun Zou
Mawphlang,, E.K.Hills, Meghalaya

“Pasian ei lam a apan leh koi ahiei hingdou thei?” (Rom 8:31)., Laisiengthou a i sim mabang in, ei hagaulam a basamte leh dawiloh deute a ding in a hamuonhuoi hi. Pasian toh umkhawm pou lei tahsap umlou ding, gilkiel, dangtah umlou ding, ichi pen, mitampite ngaidan ahi hi. Jesu tanghou nga leh nga(fish) nite asuhpung mukhate ngiel in, Jesu nuo zuizui a ut hi.

Ahi, lungkham mangbat umlou, gilkiel dangtah zong umlou, nat-leh-sat umlou a gam khu, kumtawn gam, dachieng a iluo ding uh gam ahi hi. Hagaulam a ei sang a sang zaw leh Pasian nai zaw a i theite zong lungkhamna bei, gilkiel dangtah theiphaloute hituonlou uhi, tualemah in athuotam zawsemte ahi nuom zel zaw uhi. Hagau leh tahsa a umkhawm zawh khawm khawm akihi ziehin ngaituona hamsapi ahi a tuo leh theisiem ahamsa mama mai hi.

Tedimchin hau a phatna la khatin, Mangpa toh zawhkhawm lei nuom hi,

Hamsatnate abei ding hilou in, hamsatnate kizou thei hi chi la ahi, Mangpan zong, Kross tung ah a shi ding in, “Kazouta” achi hi. Unau i thei khat ahileh, Mangpa tawh zawh khawm miten hamsatnate thuoh ngailou hilou in, athuoh tou zel uhi, hinanleh tua hamsatna thuoh zouten guolzawna atang zel uhi.

Awle, na mailam ah lampi kikha a beidawn-ga na kitheh leh, Mangpa bel in nang a ding in, Mangpa’n lampi/kot dang khat ahing honsah ding hi.

I Mang Jesu lei-tung alenlai in, nikhat anuazuite toh kuong atawl uhi, (Luk 8:22). Tam Programme pen Jesu ma in a bawl ahi, a programme bawl pen, bang zieh ama ichi leh, Dil(tuipi) gallam kai-sawm ahi uhi. Tuachin, kuong a tuonlai un, hupipi ahing langa akuong-

education tellou a hausatna pen buching thei tah tah lou ahi banah neisate kepdan (Planning & management) akisap chieng in buoina in tut veve ah, atawpna ah le mangthang thei kia mai hi. C. Rajagopalachari in “I mailam hun pen igamsung a siamzilna ah ki-nga hi” ana chi a, Benjamin Franklin in “Mi koi in zong a sumbawm(purse) a huohbu a akoi chieng in koiman ama kipat alamang thei nawn sih” achi hi. Tua khu Education pen hausatna jungpi khat ahi banah koiman ahing guh pi theilou gou(treasure) chi na ahi. Nam khangtou leh gam khangtou ichite zong anam/agam sunga laisiem tamna mite/gamte ahi uhi. Igen nuom pen ahi leh neisa/lamsa or sum leh pai hilou in, siamsinna lam thu uong gen nuomna ihi zaw hi.

Ineu apat in lai ina sim ua, high skul ikai lai in pawl 10 zaw ding kal aki ngahla ma ma hi. Pawl 10 ing zaw chieng in themkhat maban ding ang ki geel khawh deu pan hi. Class X khu ‘beginning step’ ahi pan a, laisim kipatna tah tah hing hipan hi. Tuajieh

in education line a dia stage poimaw penpen ahi. I line ding classX zou apat hing ki decide thei pan a, tuajiehin subject laah pilvan ngai mama hi. Eima pat lunglutna leh thazawna/bawltheina(capability) um loupia miten bawl na e chia vamawh lah kha thei ahi. Gentena ah tulai in Science ngolpina khat igam a miteng in kinei a, simlai khat pou in Class X ang zaw chieng in – I or II Div. ahinah leh 10+2 ah Science offer chet hi. Arts pen III division a passed te maimai adin kikoi phiel ta hi. Tuakhu sil dihluu leh theikhiel ahi. Lunglutna, theitheina leh thazawna kanei ei chi ki-etna zong umse lou in ‘Science ahoi hi’ china jiehl in kiban laah chiet tadei doi mawh hi. Science pen 10+2 tan offer khu asietna um tuonlou hi. Hinanleh, etsahnan, mikhat in maban a Law, Social Work, Business, Journalism, sim ut ahileh amading in XII tan Science a valah pen apanna um tuom lou ding hi. Law sim ut pa/nu adi’n Arts alaah a English/Literature leh Pol. Science background hoitah ana kinei masat hoi

zaw tham ding hi. Tuabang in Social Work lunglutmi adi'n Sociology, leh Business lam a din Commerce subject ana sim masat hoi zaw tham ding hi. Subject/stream teng in ahoina leh phattuumna(advantage) nei chiet ua, nuoisie ding tuom um thei lou hi.

Maban ah Class X & XII examna result ngah chiet ihina uah, sangnaupangten I career ding in bang lam/line ipeipi ut ding uoi chi lunggeelna toh Career Guide & Information them khat kikum khawm ulei hoi va chi gintatna kanei hi. A theory a sermon bawl pen kihanthawnna (motivation) poimaw khat hinan leh, practical a ipeipi theina ding in I lampi jui ding muchien masat poimaw jaw hi.

Career khu chi-3 in ka khen mai a, tuate khu: (1) PROFESSIONAL (2) ACADEMIC (3) COMPETITIVE lines ahi tangpi hi.

A. PROFESSIONAL: Professional ahileh atang piin 'training & specialization' toh kisai lam chi mai ding dan ahi. Tampi umte lah a akithei diah deute anei ah

gen suh vai:

1. Engineering:

(a) *Bachelor of Technology/ Bachelor of Engineering (B.Tech/B.E)*: (B.Tech/B.E ahileh kum 3 course ahi. Class XII(Phy,Chem,Math) zaw chieng a lut thei ahia, hinanleh institute khenkhat ah Class X apat kum 5 course dan in lut thei hi.

Azilna institute te: (i) National Institute of Technology(NIT) (ii) Indian Institute of Technology (IIT) (iii) Engineeing schools/ colleges tuom tuomte. Tam institute minthang leh hoitahte a valut theina ding in national level a entrance exam passed ngai hi, tuate khu: NIT leh Engineering colleges dangte a lut na din – All India Engeneeing Entrance Exam(AIEEE), CBSE te conduct ahia, tualeh IIT a lut na ding in ama uh conduct IIT-Joint Entrance Exam (IIT-JEE) tou ngai ding hi.

• **North Eastern Regional Institute of Science & Tech. (NERIST):** Tam khu Engeineering school North East mite adia deisahna toh kiphut

chi bang kidoh tham ching kasa hi. Ahisileh, ei Zou te maimai a zawng (extremely poverty-ridden) ihi diah uoi? Kihi tuom lou hi. Itup lou jieuh leh siamsinna ingai thupi lou jieuh hizaw hi. Tuining khuo lam kalawite khat kung ah nungah khat in hichin thuhil hi: "Lal (named changed), bang dia lai nasim sim nalai la? Tulai IAS ten zong kam(sepna) amu zou nawn lou pi uh... sepay kilut tave" chhiin advise ek mawh dan hi. IAS kichi tangal a kam mulou chi pen.....

Lai isim chieng un zong lunglutna/talent bang lam e chi kigeel poimaw ngaih lou piin, graduate zaw a job geldoh ding chi chauh atamzawte ngaituona leh tupna um hi. Tuazieh in professional line te doctor, engineer, scientist, lawyers,

professors, chite I tawm mama uhi. "Bang chi chieng a kam nasep ding la, bang dia tutan tan nasimsim nalai e..?" chite innlam ing pei chieng a dohna masa pen ahi mai hi. Tua bang mentality jieuh in M.A/Research scholar khat saangin zong clerk or sepay G.D khat kingai sang zaw leh kipahtawi nuom zaw tazen hi(amaute inuoi sie na hilou in). Laisimna ah sil poimaw 3 um hi: determination (tupna) Labour (pawnthawna),leh perseverance (thuoh hatna) alou thei lou a nei ngai ding hi. Tu 21st century ah Zou taten siamsinna lam ah kikheelna (revolution) khat inei thei ta ding uoi??? Miten abawl thei a amuolsuo thei uleh eite'n zong bawl thei hai!!!

THEISAHNA

Synod Year Planner dungzui in Half Yearly Audit July 4-8, 2011 ding ahitah zieh in Hattuumten Office tung ding a kilawm sum-le-pai te Half Yearly Audit lap man ding a June ha sung ngei a hung sunglut chiet ding in iki theisah uhi.

Rev. P.C. Manga
Executive Secretary,
i/c Finance

fellowship kichi hachin in Rs. 5000 pie hi.

C. COMPETITIVE

- 1. SSC exams – non-gazetted
- 2. UPSC – all gazetted (incl Armed forces)
- 3. Bankings,

Tamna atung i gente uh midang te a ding mai mai in koi sih vai, nang leh ken zong itup phot leh imu thei ngen ahi chi thei vai. Class X/XII izaw phot chieng a hasatna tuom tuom paulap a Delhi, Bangalore, leh metro cityte a company nasem ding a ikuon zing pen uh khatvei mawng lungsim in geel tuoh kia va ui. Company a nnasep nading in kikheel hun nei lou hi, hinanleh, isiemna zil hun pen kikheel thei hi. Eiten ingahla pai pai ua, tua jieh in sepna neukhat hilezong khawsih chi mentality ina nei jieh un sangpi sim thei ding a chitna nei tampi mawhna (wasted) suo ta hi. I talent te uh tampi ki wasted ta a, metro city a company ten ganta zah in hing zang ua, itha izung leh ilungsim banah ikhanglai hatlai hun teng hing tawp kang sah

sieng uhi. Sum leh pai hasatna tawpkhawh tung tahtah jieh a tuabang dinmun a um zong mi ki um khana va, nanleh atam zaw tuabang hiel a buoisie hituon lou maithei hi. Asim zou ding leh aki chom zou ding pipi determination neilou leh thase pen hi kha jel hi. Tuabanah, puonat huoi khat kia khu, ei Zou numeite higher studies lam kichau pet ma hi. Pawl X apat tupna kichien toh kipat lou jieh in, XII zou chieng in buoi ta ua, atawpna ah nursing course ngen kipum del chiet hi. A sie kachina ahi sih a, hinanleh Zou numei nurse zil leh Zou pasal sepay(GD) kitam dan hoitah a igeel leh career kitup ina peipi khah lou jieh uh ahi. University et in, numei kitawm gentah lou, ki um pawngsan lou phiel hi. Anai pen a gen in Manipur Universtiy, NEHU, leh Assam ah bang Zou numei aum ei? Gen di um vet lou hi. Unau Simte, Gangte, Paite, Hmar, Vaiphei, Thadou, Kom leh adangte um chiet uhi. Ahileh, eiten ideilou/ sim utlou ahi diei? University vel a lut neuna ilah ua, houh(under-estimate) isah maimai uh adiei?

ahia, Arunachal Pradesh ah um hi. N.E state teng in quota nei chiet ua, tualou a zong open category a zong lut thei nalai hi. Tam school a B.Tech zil ding te Class X or XII zaw a lut thei ahi. Kum chin in April/May vel ah amau conduct entrance exam nei zing uhi. Application form khu Dec/Jan sung in kihawm jel a Post Office main branch te ah muthei ahibanah website ah zong download thei hi.

(b). Master of Tech/Engineering (M.Tech/M.E): Course Duration: 2years

Eligible Qualification: B.E/ B. Tech or M.Sc (Math/Phy). Tamte ban ah entrance exam passed ding khat um a, tuakhu – Graduate Aptitude Test for Engineering (GATE) ahi.

Azilna Institutes te: IIT or NIT or school/colleges of Engineering mun tuomtuom te. M.Tech bawl te ding in Rs. 5000/6000 vel hateng in scholarship um hi.

India a top Engineering schoolte: Indian Institute of Technology- Bombay (Mumbai), Indian

Institute of Technology-Kanpur, Indian Institute of Technology- Delhi, Indian Institute of Technology- Kharagpur, Indian Institute of Technology- Guwahati le adang dngte. Tami institutes a lut zou a course zou taphot a ding in job 100% guaranteed ahimai hi.

2. Medical: (a) MBBS/BDS/ BAMS (b) B.Sc -Nursing (4years) Course duration: 4years

Eligibility: 10+2(Phy,Chem, Bio) Top institutes: AIIMS-Delhi, CMC-Vellore, JIPMER-Pondichery, Armed Force Medical College- Pune, Seth GS Medical College- Mumbai, St John’s – Bangalore, etc.

• North East India: RIMS in Imphal, NEIGRIHMS in Shillong — N.E State ten Quotas nei chiet hi.

Entrance: A Institute teng in entrance exam ki conduct chiet uhi.

• CBSE conduct na nuoi ah – Pre Medical Test all India level a kumchin in um a CBSE student ten 15% quota nei uhi.

B.Sc (Nursing): Eligibility: 10+2 (Bio, Chem, Phy). Kumchin in Indian Army nuoi ah Military Nursing admission kihong zing a, tuami zong ngaiven tah mama ahi.

3. Management:

M.B.A (2years) Eligible: Any Graduate (Desirable: Maths & Commerce background)

Entrance: CAT (Common Admission Test) or MAT (Management Aptitude Test) exams

Institutes: IIM Calcutta, Ahmedabad, Bangalore, Shillong, XLRI Jamshedpur, etc.

BBA: Course duration: 3years, Entrance: All India Mngt. Assn (AIMA) te saina nuoi ah Under Graduate Aptitude Test (UGAT) kumteng in um a, tuami izo chieng in Mngt. Skul te ah va lut thei hi.

4. Social Work & Human Resource Management

B.SW: Duration: 3years Eligibility: 10+2(any stream)

M.SW&MHRM:2years Eligibility: B.S.W or Any Graduate

Entrance: Institute ten entrance exam conduct chiet uhi.

Best Institutes: Tata Institute of Social Science (TISS) Mumbai (conducts exams every year for MSW&

MHRM; *Advantage:* financial relief for STs), Xavier Labor & Resources Institute, Jamshedpur. Tualou

in, University tuomtuom in zong a course nei uhi.

5. Law/Legal: Law subject khu tulai in job market lien nei pente lah a khat ahi. LLB zou khat a ding in sepna hasah lou hi. LLB degree muthei nading line-2 um a tuate khu: (a) B.A-LLB , Duration: 5 years; *Eligibility:* 10+2 leh (b) LLB : Duration: 3years, Eligibility: Any Graduate.

National Law College bangzat e khat um a, tua te a admission muthei na ding in Common Law Admission Test (CLAT) all India level exam kumchin in um hi. Tualou ah University tuomtuom in zong nei ua tuate a lut theina din a entrance exam te uh clear ngai hi.

Top Law colleges: NLSIU Bangalore, NALSAR Hyderabad,

NLIU Bhopal, Symbiosis Law College Pune, Faculty of Law, DU, Delhi and etc. etc.

Opportunity: Institute hoi a simten azaw chieng un campus recruitment in sepna mu sieng thei jel uhi. LLB zaw chieng in Advocate/Lawyer na sep thei a, tualou in, company/corporates, Banks etc. lah a Legal officer hithehi.

Professional Course teng ah sum alakh lam a senna ngen ahia, hinanleh admission imu zou naah leh financial support tuomtuom um hi. Eg. Bank loan, Education loan, leh scholarship tuom tuom um hi. Engineering khu kana lunggul mama khat ana hia, hinanleh, kabawl khel khat khu, ei minei zou loute a ding hisih fee tam seng chiin kana zil tum tasih hi. Nanleh tuabing ana hilou zaw hi. Sum hilou in siemna(eligibility) poimaw masa zaw ahi.

B. ACADEMIC & HIGHER STUDIES

For all Social Sciences – Jawaharlal Nehru University, Delhi

1. Economics – Delhi School of Economics (prospect: IES)
2. Statistics – DSE, ISI Kolkata
3. Pol-Sc, Socio, English – JNU
4. History – Aligarh Univ (UP) & JNU
5. Sciences – IISc (Bangalore), IITs, D.U,
6. Geology – IIT Kharagpur, IIT Roorkee, ISM Dhanbad, University of Pune, Gujarat University
7. Researches (M.Phil/Ph.D) – JNU, IITs, IISc, etc (UGC-JRF & Rajiv Gandhi & other Scholarships available)

Ph.D in IITs (5years): (a) Social Sc. – English, Philosophy, Economics, Psychology, History, Sociology, Pol-Sc, Planning&Devp, etc.te um hi

(b). Science streams leh Engineerings a zong um hi.

Financial support: Rs. 12,000 p.m for initial 2years & Rs. 14,000 p.m for next 3years + H.R.A, T.A. Rajiv Fellowship leh sources tuomtuom, eg. Ajad Fellowship, UGC, etc. um nalai hi. Tulai in Research bawl taphot UGC in alou thei lou in Non-Net

A Monthly Christian Magazine

An Organ of the Zou Presbyterian Church Synod



Khristian Tangkou

Vol. 37 || No. 06

(JUNE-JULY 2011)

JUNE, 2011



Editor: REV. STEPHEN CHINZATHANG

If undelivered

Please return to:

The Editor

Khristian Tangkou

ZPCS Office, Zomi Colony

Churachandpur - 795 128

P.O. Box - 48, Manipur, India

e-mail: zpcs@rediffmail.com

To

Edited and Published by the Editor on behalf of the Zou Presbyterian Church Synod

Khristian Tangkou

Vol. No. 37 || Issue No. 06 || June,2011

Editorial Board

Editor : Rev. Stephen Chinzathang
- 9863042789
ct_stephen@yahoo.com

Joint Editor : Rev. P.C.Manga - 9856130542

Cir. Manager : Mr. Jamsianmung - 9862086615
sianmung@rediffmail.com

Bus. Manager : Rev. Kamkhosoi - 9436665591
pastorkamsoi@gmail.com

Cont. Editors : Upa S.K. Khama - 9856406454
Rev. Awnkhankhup - 9862828921
Rev. Lamsuanthang - 9862072683
elesty@rediffmail.com
Rev. Thangboi Khuongsai
- 9402735675

ZOU SYNOD ULIENTE

- Moderator:
Rev. Lamsuanthang
- Moderator Elect:
Rev. Tualzachin
- Secretary Sr.:
Upa Tualkhanpau
- Secretary Jr.:
Upa Nengchinkap
- Treasurer:
Upa M. Kamzadou
- Statistician:
Upa T. Lamkothawng
- Exe. Secretaries:
Rev. Stephen Chinzathang
Rev. P.C. Manga

Copies - 1000

AMAN

Kumkhat ah	- ₣	40/-
Post ah	- ₣	50/-
Copy khat ah	- ₣	3/-
Life Member Fee	- ₣	600/-
Patron Member Fee	- ₣	1000/-
Memorial gift	- ₣	1500/-

A sung thu

- Editorial01
- Thu Tuomtuom.....03
- Nute Ni (Mother’s Day)04
- Eiten zong bawl thei hai..... 08
- Hamsatna apat guolzawna..... 16
- Pentecost Ni Thuphuon..... 19
- ZPWF Column22
- Thangsietna leh Numeite23
- Election thu a houlimna.....24

Thusuo zosie Editor leh Zou Synod ngaidan ahi kimsih a, a suotute’n maw a kipuoh chiet ding uhi.

Thusuo dingte Editor kung a pieh ding ahi.

PATRON MEMBER-TE

1. Upa Gouzamang	2. Pu Hav. Khamchinkhup	3. Pu Khamzalam	4. (L) Pu Chinzasuan
5. Upa Liansuanpau	6. Pu Khamchinthang	7. Pu S.Dalthang	8. Upa Kapkhanthang
9. Upa Langginmang	10. Pu S. Nangkhanlal	11. Pu S. Lamkhotang	12. Upa Dr. M. Lachinkhai
13. Upa Khamchinjam	14. Upa (L) D.K.Manlun	15. Upa Suankhanmang	16. (L) Upa Khupgou
17. Upa Chinkham	18. Upa Ngulchinkham	19. Rev. V.Vungzalian	20. Rev. Kamkhosoi
21. Rev. Tualzachin	22. Rev. H. Nengzatun	23. Rev. Awnkhankhup	24. Rev. Hangpi Manlun
25. Pu Tuanzapau	26. (L) Rev. Ginchinjam	27. (L) Rev. Khamzasuan	28. Upa T. Lamkothawng
29. Pu Khaichinmang	30. Rev. Chinzathang	31. Pu Khupkhanmang	32. Pu Khaidohlian
33. Hav. Khamzahang	34. Pi Vungzanuam	35. Pu T. Gouzadou	36. Pu Liensuonkap
37. Pi Zelkhochiin	38. Pi Hatkhanvung	39. (L) Pi Ngaihoiching	40. Pi Mankhanniang
41. Pu Goukhanmang	42. Pi Chingzalam	43. Pu S. Thianzakhai	44. Pi Kamkhanching
45. Pu Haukhanpau	46. Pu Tuallianmang	47. (L) Pu Dongkap	48. (L) Pi Chingkhanmang
49. Pi Donkhonian	50. Upa Henzakhup	51. (L) Pu Saichinpau	52. Pu Goumang
53. Upa Khamkhanhang	54. Shie Laangkhanlal	55. Pu Khamkhanlun	56. Upa L. Tualkhanpau
57. Pu Jamsianmung	58. Upa Ginzadong	59. Pu Kaizathang	60. Pi Goizanuom
61. Pi Thangneivah	62. Shie Khamzathang	63. Pi Donchin	64. Upa Liankhanmang
65. Pu Hauchinlun	66. Pu T.S. Lal	67. Pi Goichiin	68. Pu T. Khupchinthang
69. Pu T. Kaizalam	70. Pu Paul Henkholal	71. (L) Pu Soikham	72. Rev. P.C. Manga
73. Rev. T. Khamchinkhai	74. Rev. Jamlianpau	75. Rev. Chinzapau	76. Rev. Kamkhozam
77. (L) Upa Chinpu	78. Pu Zamkhanthang	79. Pu Chinglen	80. Miss Chinhaunieng
81. Upa P.K. Soia	82. Pu Goukhai	83. Pi Niangkhanmang	84. Evan. G.L. Joshya
85. Pi S. Chingkhanmang	86. Pu Vumchinkhup	87. Pu Lamchinhau	88. Rev. Mangsuanthang
89. Pu Kamgenpau	90. Nh. Deborah Zou	91. Mrs. Vahkholhing	92. Pu Hauliankap
93. Nu Chinnu	94. Pu T. Kuppa	95. Upa T. Gougin	96. Pu Ginsuanhau
97. Pu L. Langminthang	98. Rev. David K.Samte	99. Upa T.S.K. Samte	100. Upa S.K. Khama
101. Pu Jamkhopao	102. Pu Thathang Taithul	103. Pu Kamkhankap	104. Bhim Prasad
105. Rev. M.Kapsuanthang	106. Rev. Khupkhansuan	107. Nu Chingneikim	

LIFE MEMBER-TE

01. (L) Upa T. Khupkhenpau	02. (L) Pu M. Ginzahau	03. Pu Selzapau
04. Pu L.C. Pautungnung	05. (L) Pi Khamkhanniang	06. Pi Ngainuom
07. Pu Chinsuanthang	08. Pu Shanti Kumar	09. Pu Kamkhohau
10. (L) Pu Khamkhohau	11. Upa Khamzathang	12. Upa Chinkhanthang
13. Pu Tongzathang	14. Pi Chiinneilam	15. Pu Kulthang

Printed at: M/s Thawnsaau Printing Works, Zion Street, Churachandpur, Manipur